

- godine, bez obzira da li se to lice odjavilo ili je bilo odjavljeno iz tog mjesta;
8. **Povratnikom** se smatra BiH izbjeglica iz inostranstva ili raseljeno lice koje se već vratilo ili se vraća u svoje prebivalište prije sukoba. Takvo lice će se smatrati povratnikom dok ne dobije ličnu kartu od organa u svom prebivalištu prije sukoba. Da bi se smatralo povratnikom lice se ne mora vratiti na svoju adresu stanovanja prije sukoba;
 9. **Pod boravištem** smatra se općina ili distrikt u kojem se građanin nastani s namjerom da tamo privremeno boravi;
 10. **Boravištem raseljenog lica** smatra se općina ili distrikt u kojem se raseljeno lice nastani s namjerom da tamo privremeno boravi.

Poglavlje II - OBRAZAC LIČNE KARTE

Član 6.

Od državljanina koji podnosi zahtjev za izdavanje lične karte prikupljaju se slijedeći podaci koji se unose u ličnu kartu:

1. ime (imena);
2. prezime;
3. datum rođenja;
4. mjesto rođenja;
5. općinu prebivališta ili boravišta za raseljeno lice;
6. spol;
7. jedinstveni matični broj (JMB);
8. fotografiju;
9. potpis;
10. državljanstvo BiH.

Na ličnoj karti se također nalaze serijski broj isprave, datum izdavanja, rok važenja, podaci koje je moguće očitati kompjuterski te organ koji je izdao ličnu kartu.

Državljanin mora dati podatke o općini rođenja, matičnoj državi, državljanstvu entiteta, poštanskom broju, adresi, entitetu i kantonu u kojem je nastanjen, ako postoji. Međutim, ovi podaci se neće nalaziti u ličnoj karti.

Naslov na ličnoj karti piše se na bosanskom, hrvatskom, srpskom, francuskom i engleskom jeziku. Tekst na bosanskom, hrvatskom i srpskom jeziku piše se latiničnim i ćirilničnim pismom, a pojedinačni podaci koje u obrazac lične karte unosi nadležni organ upisuju se samo latiničnim pismom.

Na zahtjev podnosioca zahtjeva za izdavanje lične karte, može se na ličnoj karti unositi i naziv entiteta.

Poglavlje III - IZDAVANJE LIČNE KARTE

Član 7.

Izdavanje, poništavanje i zamjenu ličnih karata u okviru svoje nadležnosti vrši se u Federaciji BiH kod policijske uprave pri kantonalnom ministarstvu unutrašnjih poslova, u Republici Srpskoj kod stanice javne bezbjednosti pri Ministarstvu unutrašnjih poslova RS, i u Brčko Distriktu Bosne i Hercegovine, kod nadležnog organa, koji funkcionalno djeluje kao državna institucija.

Ličnu kartu izdaje nadležni organ prema prebivalištu državljanina, izuzev ličnih karata koje se izdaju raseljenim licima u boravištu raseljenog lica.

Nadležni organi entiteta postupaju kao drugostepeni organi u žalbenom postupku za odluke nadležnih organa za izdavanje, poništavanje i zamjenu ličnih karata.

Stranka nezadovoljna odlukom drugostepenog organa može uložiti žalbu Ministarstvu civilnih poslova i komunikacija BiH (u daljem tekstu: MCPK).

Član 8.

Lična karta se izdaje državljaninu koji je podnio zahtjev za izdavanje lične karte ili u čije ime je zahtjev podnio njegov

propisno ovlašteni zakonski zastupnik na lični zahtjev ili na zahtjev njegovog zakonskog zastupnika.

Lična karta se može izdati i državljaninu starijem od 15, a mlađem od 18 godina koji ima prebivalište u BiH na lični zahtjev ili na zahtjev njegovog roditelja ili drugog propisno ovlaštenog zakonskog zastupnika.

Ličnu kartu državljanin mora da preuzme lično.

Član 9.

Ako državljaninu nije ranije izdata lična karta, dužan je da podnese zahtjev za izdavanje lične karte u roku od 60 dana nakon što navrší 18 godina života ili 60 dana nakon što se stalno nastani u BiH, ako je navršio 18 godina života.

Državljanin koji prvi put podnese zahtjev za izdavanje lične karte, uz zahtjev za izdavanje lične karte podnosi i dokaz o državljanstvu BiH i, ako se to traži, dvije fotografije odgovarajuće veličine koje vjerno prikazuju lice podnosioca zahtjeva.

U svim drugim slučajevima i osim ako nije drugačije uređeno ovim zakonom, uz zahtjev za izdavanje lične karte državljanin podnosi dokaze o identitetu i državljanstvu BiH i, ako se to traži, dvije fotografije odgovarajuće veličine koje vjerno prikazuju lice podnosioca zahtjeva.

Član 10.

Prilikom svakog podnošenja zahtjeva za izdavanje lične karte prema ovom zakonu, državljanin u zahtjevu mora navesti tačne i istinite podatke.

Član 11.

Nadležni organ je dužan da najkasnije u roku od 15 dana nakon podnošenja zahtjeva za izdavanje lične karte, izda ličnu kartu podnosiocu zahtjeva ako utvrdi da podnositelj ima pravo na istu.

Nadležni organ će podnosiocu zahtjeva odmah izdati potvrdu o prijemu zahtjeva za izdavanje lične karte.

Potvrda o prijemu zahtjeva služi kao dokaz da je državljanin podnio zahtjev za izdavanje lične karte.

Član 12.

Za izdavanje lične karte ne plaća se taksa.

Poglavlje IV - ZAMJENA LIČNE KARTE

Član 13.

Lična karta se mora zamijeniti:

1. ako je istekao rok njenog važenja;
2. u slučaju promjene prebivališta (ili promjene boravišta kod raseljenih lica);
3. ako je došlo do promjene podataka koji su o imaoču lične karte navedeni u ličnoj karti;
4. ako je podatak u ličnoj karti netačan ili pogrešno upisan;
5. ako je lična karta oštećena ili iz drugih razloga podaci nisu čitljivi u tolikoj mjeri da lična karta ne može služiti svojoj namjeni;
6. kada je izgled imaoča lične karte toliko izmijenjen da više ne odgovara fotografiji na ličnoj karti.

Član 14.

Državljanin koji je u skladu sa prethodnim članom dužan da zamijeni ličnu kartu podnosi nadležnim organima zahtjev za zamjenu lične karte, a uz zahtjev za zamjenu lične karte, ako se to traži, prilaže dvije fotografije odgovarajuće veličine koje vjerno prikazuju lice podnosioca zahtjeva.

Državljanin dokazuje svoj identitet i tačnost podataka koji se upisuju u njegovu ličnu kartu na osnovu ranije izdate lične karte, ili, ako takve lične karte nema, dokazom o identitetu i dokazom o državljanstvu BiH, ukoliko na drugom mjestu u ovom zakonu nije drugačije predviđeno.

Član 15.

U okolnostima predviđenim u članu 13. tačka 1. ovog zakona, imalac lične karte dužan je da podnese zahtjev za zamjenu lične karte najkasnije do 15 dana prije datuma isteka važnosti sadašnje lične karte.

U okolnostima predviđenim u članu 13. tač. 2. i 3. ovog zakona, imalac lične karte dužan je da podnese zahtjev za zamjenu lične karte u roku od 60 dana od nastanka razloga za njenu zamjenu. Zamjena lične karte raseljenog lica ili povratnika pod tačkom 2. uređuje se u poglavlju VIII. ovog zakona.

U okolnostima predviđenim u članu 13. tačka 4. ovog zakona, imalac lične karte dužan je da podnese zahtjev za zamjenu lične karte u roku od 60 dana od saznanja da je podatak u ličnoj karti netačan ili pogrešno upisan.

Ako nadležni organ utvrdi da je potrebno zamijeniti ličnu kartu iz razloga predviđenih u članu 13. tač. 5. i 6., odredit će rok u kojem je imalac lične karte dužan da podnese zahtjev za zamjenu lične karte. Ovaj rok ne može biti kraći od 15 dana od dana kada je nadležni organ donio rješenje o zamjeni lične karte.

Ako imalac lične karte ne podnese zahtjev za zamjenu lične karte u roku predviđenom u ovom članu, sadašnja lična karta prestaje da važi, izuzimajući član 15. stav 1. Ako imalac lične karte ne podnese zahtjev za zamjenu lične karte u skladu sa članom 15. stav 1., lična karta prestaje da važi od datuma isteka.

Član 16.

Nadležni organ će podnosiocu zahtjeva odmah izdati potvrdu o prijemu zahtjeva za zamjenu lične karte.

Potvrda o prijemu zahtjeva služi kao dokaz da je lice podnijelo zahtjev za zamjenu lične karte.

Nadležni organ je dužan da zamijeni ličnu kartu odmah ili najkasnije u roku od 15 dana nakon podnošenja zahtjeva za zamjenu lične karte, ako utvrdi da podnosilac zahtjeva ima pravo na takvu zamjenu lične karte. Zamijenjena lična karta se poništava i vraća podnosiocu zahtjeva, ako on to zatraži.

Poglavlje V - ROK VAŽENJA LIČNE KARTE

Član 17.

Državljaninu starijem od 18 godina izdaje se lična karta sa rokom važenja od deset godina.

Državljaninu starijem od 15, a mlađem od 18 godina izdaje se lična karta sa rokom važenja od dvije godine.

Državljaninu starijem od 60 godina izdaje se lična karta sa rokom važenja - trajno.

Član 18.

Ako, iz razloga utvrđenih u Zakonu o putnim ispravama BiH, nadležni sud ili organ koji je nadležan da uređuje pitanje putnih isprava prema tom zakonu zabranjuje izdavanje putnih isprava državljaninu, sud odnosno organ upućuje odgovarajući nadležni organ da zabrani licu korištenje lične karte za prelazak državne granice.

Nadležni organ donosi rješenje o zabrani te u skladu s tim i o tom rješenju obavještava sud ili organ koji je zahtijevao donošenje zabrane. Ova zabrana se unosi u ličnu kartu na način koji propisuje MCPK.

Žalba protiv rješenja iz stava 2. ovog člana ne odlaže izvršenje rješenja.

Član 19.

Nadležni sud ili organ iz stava 1. prethodnog člana, bez odlaganja obavještavaju nadležni organ o prestanku postojanja razloga za zabranu korištenja lične karte za prelazak državne granice.

Po ispunjenju uslova utvrđenih u prethodnom stavu nadležni organ poništava zabranu korištenja lične karte za prelazak državne granice.

Poglavlje VI - GUBITAK LIČNE KARTE

Član 20.

Državljanin koji je izgubio ličnu kartu ili mu je lična karta ukradena, uništena ili je na bilo koji drugi način ostao bez nje, dužan je da tu činjenicu bez odlaganja lično prijavi najbližoj policijskoj stanici ili nadležnom organu. Policija je dužna da o tome odmah obavijesti nadležni organ.

Državljanin koji je prema ovom zakonu dužan posjedovati ličnu kartu, a koji je izgubio ličnu kartu tokom boravka u inostranstvu, dužan je obavijestiti najbliže Kancelarije diplomatsko-konzularnih predstavništava BiH u inostranstvu (u daljem tekstu: DKP) i podnijeti zahtjev za novu ličnu kartu. DKP obavještava MCPK o gubitku, a u skladu s tim, MCPK o istom obavještava nadležni organ koji je licu izdao ličnu kartu. Nadležni organ tom licu izdaje novu ličnu kartu putem MCPK i DKP-a.

U okolnostima iz stava 1. ovog člana, nadležni organ izdaje rješenje o poništenju lične karte.

Član 21.

U slučaju da državljanin, u okolnostima navedenim u članu 20. stav 1. ovog zakona više ne posjeduje ličnu kartu, dužan je da u roku od 30 dana od dana prijavlivanja slučaja policiji, podnese zahtjev za izdavanje nove lične karte. Uz zahtjev se prilaže izvještaj iz policije, dokaz o identitetu, dokaz o državljanstvu BiH, i ako se to traži, dvije fotografije koje vjerno prikazuju lice podnosioca zahtjeva.

Ako državljanin kome je na osnovu ovog člana izdata nova lična karta, naknadno dođe u posjed ranije lične karte, dužan je da tu ličnu kartu odmah preda najbližem nadležnom organu.

Nadležni organ izdaje ličnu kartu podnosiocu zahtjeva najkasnije u roku od 15 dana od dana podnošenja zahtjeva za izdavanje lične karte, ako se ustanovi da podnosilac ima pravo na ličnu kartu.

Nadležni organ odmah izdaje podnosiocu zahtjeva potvrdu o prijemu zahtjeva za izdavanje lične karte.

Potvrda o prijemu zahtjeva služi kao dokaz da je lice podnijelo zahtjev za izdavanje lične karte.

Poglavlje VII - EVIDENCIJA LIČNIH KARATA

Član 22.

U skladu sa Zakonom o centralnoj evidenciji i razmjeni podataka, MCPK vodi i održava centralnu evidenciju putem elektronske obrade podataka (u daljem tekstu: centralna evidencija) o izdatim, zamijenjenim i poništenim ličnim kartama.

Entitetska ministarstva unutrašnjih poslova mogu održavati elektronsku evidenciju o ličnim kartama koje su izdate, zamijenjene ili poništene na području entiteta.

Nadležni organ vodi i održava mjesnu evidenciju putem elektronske obrade podataka (u daljem tekstu: mjesna evidencija) o ličnim kartama koje su u njegovoj jurisdikciji izdate, zamijenjene i poništene.

Član 23.

Centralna, entitetske i mjesne evidencije sadrže sljedeće lične podatke:

- podaci sadržani u članu 6. st. 1. do 3.;
- sve pojedinosti o nestanku lične karte kako je predviđeno u glavi poglavlju VI. ovog zakona;
- napomena o zabrani korištenja lične karte za prelazak državne granice kako je predviđeno u članu 18. ovog zakona.

Član 24.

Nadležni organ je dužan da redovno dostavlja MCPK podatke iz svoje mjesne evidencije.

MCPK može obezbijediti podatke iz centralne evidencije nadležnom organu kako bi isti izvršavao svoje dužnosti propisane Zakonom.

Član 25.

Organi ovlašteni za vođenje i održavanje centralne, entitetskih i mjesnih evidencija u članu 22. mogu prikupljati, obrađivati, pohranjivati i koristiti lične podatke iz evidencije jedino u svrhu provođenja ovog zakona, ako zakonom nije drugačije propisano.

Podaci iz člana 23. ovog zakona brišu se pri izdavanju nove lične karte ili pet godina nakon isteka roka važenja lične karte.

Izuzetno od stava 2. ovog člana, napomena o zabrani korištenja lične karte za prelazak državne granice kako je predviđeno u članu 18. briše se nakon godinu dana od prestanka postojanja razloga za upisivanje te informacije.

Član 26.

Državljanin BiH ima pravo da bude obaviješten o tome da li se njegovi lični podaci nalaze u centralnoj, entitetskoj i mjesnoj evidenciji i ima pravo da mu se ti podaci saopšte u jasnoj formi.

Ako se utvrdi da su takvi podaci obrađeni na nezakonit ili nepravilan način, državljaniin o čijim se podacima radi ima, pravo na odgovarajuću ispravku ili brisanje tih podataka. Takva ispravka ili brisanje podatka je za datog državljanina besplatna.

Državljanin o čijim se podacima radi ima pravo da pokrene upravni spor u slučaju da navedeni organi ne postupe u skladu sa odredbama ovog člana.

Član 27.

MCPK i nadležni organi obavezni su preduzeti dovoljne sigurnosne mjere da bi se osigurala zaštita svih podataka iz centralne i mjesnih evidencija i svih podataka prenesenih na druge ovlaštene organe, u skladu sa Zakonom o centralnoj evidenciji i razmjeni podataka.

Poglavlj VIII - POSEBNE ODREDBE

Član 28.

Lica na koja se odnose odredbe iz ove glave su raseljena lica i povratnici.

Član 29.

Raseljenom licu se izdaje lična karta prema boravištu.

Raseljeno lice podnosi zahtjev za izdavanje lične karte u roku od 60 dana od dana privremenog nastanjenja.

Lična karta izdata u boravištu raseljenog lica važi dvije godine.

Član 30.

Prilikom svakog podnošenja zahtjeva za izdavanje lične karte po odredbama ovog poglavlja, raseljeno lice podnosi zahtjev za izdavanje lične karte i uz njega prilaže, ako se to traži, dokaz o identitetu i dvije fotografije odgovarajuće veličine, koje vjerno prikazuju lice podnosioca zahtjeva.

Član 31.

Povratnik u mjesto prebivališta prije sukoba ima pravo da zamijeni ličnu kartu koja je ranije izdata, na osnovu ovog zakona, u mjestu boravišta povratnika, kako je utvrđeno u ovom poglavlju, ličnom kartom koju izdaje nadležni organ u mjestu prebivališta prije sukoba.

Član 32.

Povratnik koji ima pravo da zamijeni ličnu kartu kako je utvrđeno u ovoj glavi, podnosi zahtjev za zamjenu lične karte u roku od 60 dana od dana povratka u svoje mjesto prebivališta prije sukoba.

Prilikom svakog podnošenja zahtjeva za zamjenu lične karte po odredbama ovog poglavlja, povratnik podnosi zahtjev za zamjenu lične karte i uz njega prilaže, ako se to traži, dokaz o identitetu i dvije fotografije odgovarajuće veličine koje vjerno prikazuju lice podnosioca zahtjeva.

Ako ne posjeduje ličnu kartu izdatu u prijašnjem mjestu prebivališta, povratnik podnosi zahtjev za izdavanje lične karte u skladu sa poglavljem III. ovog zakona.

Član 33.

Ako nijedan dokumentovani ili drugi dokaz, odnosno podatak vezan za podnošenje zahtjeva za izdavanje ili zamjenu lične karte, prema ovoj glavi nije na raspolaganju, nije dostupan ili se ne može pribaviti u razumnom roku, nadležni organ će dozvoliti podnosiocu da traženi dokaz ili informaciju pruži na drugi način, uključujući i izjave podnosioca zahtjeva ili izjave koje daju druga lica u korist podnosioca zahtjeva.

Član 34.

Raseljeno lice koje dobrovoljno odluči da se stalno nastani u mjestu u kojem nije imalo prebivalište prije sukoba, ima pravo da zamijeni ličnu kartu ranije izdatu prema ovom zakonu, kako je utvrđeno u ovoj glavi, ličnom kartom koju izdaje nadležni organ u njegovom novom prebivalištu.

Poglavlje IX - KAZNENE ODREDBE

Član 35.

Postupak iz ove glave vodit će se u skladu sa relevantnim zakonima o prekršajima.

Član 36.

Novčanom kaznom u iznosu od 200 KM do 1.000 KM kaznit će se odgovorno lice u nadležnom organu za prekršaj ako:

1. odmah ili najkasnije u roku od 15 dana od dana podnošenja zahtjeva za izdavanje lične karte ne izda ličnu kartu podnosiocu zahtjeva ako je utvrđeno da ima pravo na ličnu kartu, uključujući raseljena lica koja prijavljuju boravište i povratnike u mjesta njihovog prebivališta prije sukoba;
2. ne izda podnosiocu zahtjeva potvrdu o prijemu zahtjeva u slučaju kada nije odmah izdao ličnu kartu podnosiocu zahtjeva;
3. odmah ili najkasnije u roku od 15 dana od dana podnošenja zahtjeva za zamjenu lične karte ne zamijeni ličnu kartu ako utvrdi da podnosilac zahtjeva ima pravo na zamjenu;
4. prikuplja, obrađuje, čuva, koristi ili prenosi podatke iz svoje evidencije protivno čl. 25. i 26. ovog zakona;
5. odmah ili najkasnije u roku od 15 dana od dana podnošenja zahtjeva ne obezbijedi ličnu kartu izdatu u mjestu boravišta raseljenog lica;
6. odmah ili najkasnije u roku od 15 dana od dana podnošenja zahtjeva ne izda ličnu kartu povratniku u mjestu njegovog prebivališta prije konflikta;
7. ne dozvoli da se informacija u svrhu zahtjeva za izdavanje lične karte pruži drugim sredstvima, uključujući i izjave koje daje podnosilac ili druga lica u korist podnosioca u skladu sa odredbama poglavlja VIII. ovog zakona.

Član 37.

Novčanom kaznom od 10 KM do 100 KM kaznit će se za prekršaj državljaniin ako:

1. ima više od jedne lične karte izdate na osnovu ovog zakona;
2. ne podnese zahtjev za izdavanje lične karte kada je obavezan da tako postupi prema poglavlju III.;
3. svjesno dostavi netačne i/ili neistinite podatke prilikom podnošenja zahtjeva za izdavanje lične karte;
4. odmah ne prijavi nestanak lične karte;
5. ustupi svoju ličnu kartu drugom licu ili koristi tuđu ličnu kartu kao svoju;
6. koristi ličnu kartu drugog lica u svrhu pribavljanja bilo kakve koristi ili prava.

Poglavlje X - PRELAZNE I ZAVRŠNE ODREDBE

Član 38.

Kada se ispune svi neophodni uslovi za otpočinjanje procesa za izdavanje lične karte, ministar Ministarstva civilnih poslova i komunikacija u tu svrhu donosi odgovarajući akt.

Poglavlje VI - ZAVRŠNE ODREDBE

Članak 27.

Ministarstvo civilnih poslova i komunikacija u konzultaciji s Komisijom donosi podzakonske akte u sljedećim oblastima:

- a) sigurnost podataka i obrada podataka od strane institucija Bosne i Hercegovine;
- b) sva druga pitanja potrebna za provođenje ovoga zakona.

Komisija može izdati smjernice glede zadataka i pravila za imenovanje službenika za zaštitu osobnih podataka.

Postupak pristupa informacijama od javnog interesa

Članak 28.

Odredbe ovoga zakona će se uzeti u obzir prigodom primjene Zakona o slobodi pristupa informacijama u Bosni i Hercegovini ("Službeni glasnik BiH", broj 28/00).

Članak 29.

Ovaj zakon stupa na snagu 30 dana od dana objavljivanja u "Službenom glasniku BiH", a objavit će se u službenim glasilima entiteta i Brčko Distrikta Bosne i Hercegovine.

PS BiH broj 69/01

20. prosinca 2001. godine

Sarajevo

Predsjedatelj

Doma naroda

Parlamentarne skupštine BiH

Sejfidin Tokić, v. r.

Predsjedatelj

Zastupničkog doma

Parlamentarne skupštine BiH

dr. Željko Mirjanić, v. r.

220

Na temelju članka IV.4.a. Ustava Bosne i Hercegovine, Parlamentarna skupština Bosne i Hercegovine, na sjednici Zastupničkog doma održanoj 13. studenoga 2001. i na sjednici Doma naroda održanoj 20. studenoga 2001., usvojila je

ZAKON

O OSOBNOJ ISKAZNICI DRŽAVLJANA BOSNE I HERCEGOVINE

Poglavlje I - OPĆE ODREDBE

Članak 1.

Ovim zakonom se uređuje osobna iskaznica državljana Bosne i Hercegovine (u daljnjem tekstu: BiH).

Cilj ovoga zakona je uspostavljanje identifikacije građana BiH i izdavanje osobnih iskaznica svakom državljaninu.

Sve odredbe ovoga zakona odnose se jednako na sve državljane BiH (u daljnjem tekstu: državljani), osim ako nije drukčije predviđeno u posebnim odredbama u poglavlju VIII ovoga zakona.

Osobna iskaznica je jedinstvena za sve državljane i važi na cijelom teritoriju BiH.

Članak 2.

Osobna iskaznica je javna isprava kojom se dokazuje identitet, činjenica mjesta i datuma rođenja, prebivališta odnosno boravišta za raseljenu osobu i državljanstva BiH.

Državljan BiH mogu koristiti osobnu iskaznicu za prelazak državne granice u određenim okolnostima i pod uvjetima utvrđenim bilateralnim sporazumima između BiH i druge države.

Članak 3.

Državljanin stariji od 18 godina s prebivalištem u BiH dužan je da ima osobnu iskaznicu izdanu u mjestu prebivališta.

Raseljena osoba s boravištem u BiH (u daljnjem tekstu: raseljena osoba) dužna je da ima osobnu iskaznicu izdanu u mjestu boravišta.

Osoba koja je izgubila državljanstvo BiH ili koja više nema prebivalište u BiH, mora bez odlaganja vratiti osobnu iskaznicu nadležnom organu.

Državljanin može imati samo jednu osobnu iskaznicu i nije dužan da je da na uvid, ako to nije predviđeno zakonom.

Državljanin ne smije ustupiti svoju osobnu iskaznicu drugoj osobi, niti smije koristiti kao svoju osobnu iskaznicu druge osobe.

Državljanin ne može koristiti osobnu iskaznicu druge osobe u cilju pribavljanja bilo kakve koristi ili prava.

Članak 4.

Prikupljanje informacija na temelju ovoga zakona obavlja se sukladno s BiH Zakonom o zaštiti osobnih podataka i BiH Zakonom o centralnoj evidenciji i razmjeni podataka.

Članak 5.

U smislu ovoga zakona:

1. **Državljaninom BiH** smatra se osoba koja je stekla BiH državljanstvo sukladno s odgovarajućim zakonskim aktima;
2. **Izbjglicom iz BiH** smatra se osoba kojoj je priznat status izbjeglica prema odgovarajućim zakonskim aktima;
3. **Raseljenom osobom u BiH** smatra se osoba kojoj je dodijeljen status raseljene osobe ili sličan status sukladno s odgovarajućim zakonskim aktima, odnosno osoba koja je podnijela zahtjev za dodjelu tog statusa;
4. **Dokaz o identitetu** pruža se bilo kojom ispravom, koja sadrži ime i datum rođenja osobe i koja je, osim ako nije drukčije predviđeno odgovarajućim zakonom, izdana:
 - a) u periodu od 6. travanja 1991. god. do stupanja na snagu ovoga zakona, na propisanom obrascu i na temelju tada važećih propisa, od strane nadležnih organa, organizacija ili drugih pravnih osoba kojima je povjereno vršenje javnih ovlaštenja u Bosni i Hercegovini; ili
 - b) izdanu prije 6. travanja 1992. god. od strane nadležnih organa bivše Socijalističke Federativne Republike Jugoslavije, ili nadležnih organa bivših socijalističkih republika i autonomnih pokrajina.
5. **Dokaz o državljanstvu BiH** pruža se ispravom ili drugim sredstvom priznatim kao dokaz o državljanstvu BiH u odgovarajućim zakonskim aktima;
6. **Pod prebivalištem** smatra se općina ili distrikt u kojem se pojedinac nastani s namjerom da tamo stalno živi;
7. **Pod prebivalištem prije sukoba** smatra se prebivalište državljanina, utvrđeno ranije važećim zakonima, koje je raseljena osoba ili izbjeglica napustila nakon 30. travanja 1991. godine, bez obzira da li se ta osoba odjavila ili je bila odjavljena iz tog mjesta;
8. **Povratnikom** se smatra BiH izbjeglica iz inozemstva ili raseljena osoba koja se već vratila ili se vraća u svoje prebivalište prije sukoba. Takva osoba će se smatrati povratnikom, dok ne dobije osobnu iskaznicu od organa u svom prebivalištu prije sukoba. Da bi se smatrala povratnikom, osoba se ne mora vratiti na svoju adresu stanovanja prije sukoba;
9. **Pod boravištem** smatra se općina ili distrikt u kojem se građanin nastani s namjerom da tamo privremeno boravi;
10. **Boravištem raseljene osobe** smatra se općina ili distrikt u kojem se raseljena osoba nastani s namjerom da tamo privremeno boravi.

Poglavlje II - OBRAZAC OSOBNE ISKAZNICE

Članak 6.

Od državljanina koji podnosi zahtjev za izdavanje osobne iskaznice prikupljaju se sljedeći podaci koji se unose u osobnu iskaznicu:

1. ime (imena);
2. prezime;
3. datum rođenja;
4. mjesto rođenja;
5. općinu prebivališta ili boravišta za raseljenu osobu;
6. spol;
7. jedinstveni matični broj (JMB);
8. fotografiju;
9. potpis;
10. državljanstvo BiH.

Na osobnoj iskaznici se također nalaze serijski broj isprave, datum izdavanja, rok važenja, podaci koje je moguće očitati kompjuterski te organ koji je izdao osobnu iskaznicu.

Državljanin mora dati podatke o općini rođenja, matičnoj državi, državljanstvu entiteta, poštanskom broju, adresi, entitetu i kantonu u kojem je nastanjen, ako postoji. Međutim, ovi podaci se neće nalaziti u osobnoj iskaznici.

Naslov na osobnoj iskaznici piše se na bosanskom, hrvatskom, srpskom, francuskom i engleskom jeziku. Tekst na bosanskom, hrvatskom i srpskom jeziku piše se latiničnim i ćirilničnim pismom, a pojedinačni podaci koje u obrazac osobne iskaznice unosi nadležni organ upisuju se samo latiničnim pismom.

Na zahtjev podnosioca zahtjeva za izdavanje osobne iskaznice, može se na osobnoj iskaznici unosti i naziv entiteta.

Poglavlje III - IZDAVANJE OSOBNE ISKAZNICE

Članak 7.

Izdavanja, poništavanja i zamjene osobnih iskaznica u djelokrugu svoje nadležnosti vrši se u Federaciji BiH kod policijske postaje pri kantonalnom ministarstvu unutarnjih poslova, u Republici Srpskoj kod stanice javne sigurnosti pri Ministarstvu unutarnjih poslova RS, u Brčko Distriktu Bosne i Hercegovine kod nadležno organa, koji funkcionalno djeluje kao državna institucija.

Osobnu iskaznicu izdaje nadležni organ prema prebivalištu državljanina, osim osobnih iskaznica koje se izdaju raseljenim osobama u boravištu raseljene osobe.

Nadležni organi entiteta postupaju kao drugostupanjski organi u žalbenom postupku za odluke nadležnih organa za izdavanje, poništavanje i zamjenu osobnih iskaznica.

Stranka nezadovoljna odlukom drugostupanjskog organa može uložiti žalbu Ministarstvu civilnih poslova i komunikacija BiH (u daljnjem tekstu: MCPK).

Članak 8.

Osobna iskaznica se izdaje državljaninu koji je podnio zahtjev za izdavanje osobne iskaznice ili u čije ime je zahtjev podnio njegov propisno ovlašten zakonski zastupnik na osobni zahtjev ili na zahtjev njegovog zakonskog zastupnika.

Osobna iskaznica se može izdati i državljaninu starijem od 15, a mlađem od 18 godina koji ima prebivalište u BiH na osobni zahtjev ili na zahtjev njegovog roditelja ili drugog propisno ovlaštenog zakonskog zastupnika.

Osobnu iskaznicu državljanin mora da preuzme osobno.

Članak 9.

Ako državljaninu nije ranije izdana osobna iskaznica, dužan je da podnese zahtjev za izdavanje osobne iskaznice u roku od 60 dana nakon što navršši 18 godina života ili 60 dana nakon što se stalno nastani u BiH, ako je navršio 18 godina života.

Državljanin koji prvi put podnese zahtjev za izdavanje osobne iskaznice, uz zahtjev za izdavanje osobne iskaznice podnosi i dokaz o državljanstvu BiH i, ako se to traži, dvije fotografije odgovarajuće veličine koje vjerno prikazuju lice podnosioca zahtjeva.

U svim drugim slučajevima i osim ako nije drukčije uređeno ovim zakonom, uz zahtjev za izdavanje osobne iskaznice državljanin podnosi dokaze o identitetu i državljanstvu BiH i, ako se to traži, dvije fotografije odgovarajuće veličine koje vjerno prikazuju lice podnosioca zahtjeva.

Članak 10.

Prigodom svakog podnošenja zahtjeva za izdavanje osobne iskaznice prema ovom zakonu, državljanin u zahtjevu mora navesti točne i istinite podatke.

Članak 11.

Nadležni organ je dužan da najkasnije u roku od 15 dana nakon podnošenja zahtjeva za izdavanje osobne iskaznice, izda osobnu iskaznicu podnosiocu zahtjeva, ako utvrdi da podnositelj ima pravo na istu.

Nadležni organ će podnosiocu zahtjeva odmah izdati potvrdu o prijemu zahtjeva za izdavanje osobne iskaznice.

Potvrda o prijemu zahtjeva služi kao dokaz da je državljanin podnio zahtjev za izdavanje osobne iskaznice.

Članak 12.

Za izdavanje osobne iskaznice ne plaća se pristojba.

Poglavlje IV - ZAMJENA OSOBNE ISKAZNICE

Članak 13.

Osobna iskaznica se mora zamijeniti:

1. ako je istekao rok njenog važenja;
2. u slučaju promjene prebivališta (ili promjene boravišta kod raseljenih osoba);
3. ako je došlo do promjene podataka koji su o imatelju osobne iskaznice navedeni u osobnoj iskaznici;
4. ako je podatak u osobnoj iskaznici netočan ili pogrešno upisan;
5. ako je osobna iskaznica oštećena ili iz drugih razloga podaci nisu čitljivi u tolikoj mjeri da osobna iskaznica ne može služiti svojoj namjeni;
6. kada je izgled imatelja osobne iskaznice toliko izmijenjen, da više ne odgovara fotografiji na osobnoj iskaznici.

Članak 14.

Državljanin koji je sukladno s prethodnim člankom dužan da zamijeni osobnu iskaznicu podnosi nadležnim organima zahtjev za zamjenu osobne iskaznice, a uz zahtjev za zamjenu osobne iskaznice, ako se to traži, prilaže dvije fotografije odgovarajuće veličine koje vjerno prikazuju lice podnosioca zahtjeva.

Državljanin dokazuje svoj identitet i točnost podataka koji se upisuju u njegovu osobnu iskaznicu na temelju ranije izdane osobne iskaznice, ili, ako takve osobne iskaznice nema, dokazom o identitetu i dokazom o državljanstvu BiH, ukoliko na drugom mjestu u ovom zakonu nije drukčije predviđeno.

Članak 15.

U okolnostima predviđenim u članku 13. točka 1. ovoga zakona, imatelj osobne iskaznice dužan je da podnese zahtjev za zamjenu osobne iskaznice najkasnije do 15 dana prije datuma isteka važnosti sadašnje osobne iskaznice.

U okolnostima predviđenim u članku 13. toč. 2 i 3. ovoga zakona, imatelj osobne iskaznice dužan je da podnese zahtjev za zamjenu osobne iskaznice u roku od 60 dana od nastanka razloga za njezinu zamjenu. Zamjena osobne iskaznice raseljene osobe ili povratnika pod točkom 2. uređuje se u poglavlju VIII. ovoga zakona.

U okolnostima predviđenim u članku 13. točka 4. ovoga zakona, imatelj osobne iskaznice dužan je da podnese zahtjev za zamjenu osobne iskaznice u roku od 60 dana od saznanja da je podatak u osobnoj iskaznici netačan ili pogrešno upisan.

Ako nadležni organ utvrdi da je potrebno zamijeniti osobnu iskaznicu iz razloga predviđenih u članku 13. toč. 5. i 6., odredit će rok u kojem je imatelj osobne iskaznice dužan da podnese zahtjev za zamjenu osobne iskaznice. Ovaj rok ne može biti kraći od 15 dana od dana kada je nadležni organ donio rješenje o zamjeni osobne iskaznice.

Ako imatelj osobne iskaznice ne podnese zahtjev za zamjenu osobne iskaznice u roku predviđenom u ovom članku, sadašnja osobna iskaznica prestaje da važi, izuzimajući članak 15. stavak 1. Ako imatelj osobne iskaznice ne podnese zahtjev za zamjenu osobne iskaznice sukladno s člankom 15. stavak 1., osobna iskaznica prestaje da važi od datuma isteka.

Članak 16.

Nadležni organ će podnosiocu zahtjeva odmah izdati potvrdu o prijemu zahtjeva za zamjenu osobne iskaznice.

Potvrda o prijemu zahtjeva služi kao dokaz da je osoba podnijela zahtjev za zamjenu osobne iskaznice.

Nadležni organ je dužan da zamijeni osobnu iskaznicu odmah ili najkasnije u roku od 15 dana nakon podnošenja zahtjeva za zamjenu osobne iskaznice, ako utvrdi da podnositelj zahtjeva ima pravo na takvu zamjenu osobne iskaznice.

Zamijenjena osobna iskaznica se poništava i vraća podnosiocu zahtjeva, ako on to zatraži.

Poglavlje V - ROK VAŽENJA OSOBNE ISKAZNICE

Članak 17.

Državljaninu starijem od 18 godina izdaje se osobna iskaznica s rokom važenja od deset godina.

Državljaninu starijem od 15, a mlađem od 18 godina izdaje se osobna iskaznica s rokom važenja od dvije godine.

Državljaninu starijem od 60 godina izdaje se osobna iskaznica s rokom važenja - trajno.

Članak 18.

Ako, iz razloga utvrđenih u Zakonu o putnim ispravama BiH, nadležni sud ili organ koji je nadležan da uređuje pitanje putnih isprava prema tom zakonu zabranjuje izdavanje putnih isprava državljaninu, sud odnosno organ upućuje odgovarajući nadležni organ da zabrani osobi korištenje osobne iskaznice za prelazak državne granice.

Nadležni organ donosi rješenje o zabrani sukladno s tim, i o tom rješenju izvješćuje sud ili organ koji je zahtijevao donošenje zabrane. Ova zabrana se unosi u osobnu iskaznicu na način koji propisuje MCPK.

Žalba protiv rješenja iz stavka 2. ovoga članka ne odlaže izvršenje rješenja.

Članak 19.

Nadležni sud ili organ iz stavka 1. prethodnog članka, bez odlaganja obavještavaju nadležni organ o prestanku postojanja razloga za zabranu korištenja osobne iskaznice za prelazak državne granice.

Po ispunjenju uvjeta utvrđenih u prethodnom stavku nadležni organ poništava zabranu korištenja osobne iskaznice za prelazak državne granice.

Poglavlje VI - GUBITAK OSOBNE ISKAZNICE

Članak 20.

Državljanin koji je izgubio osobnu iskaznicu ili mu je osobna iskaznica ukradena, uništena ili je na bilo koji drugi način ostao bez nje, dužan je da tu činjenicu bez odlaganja osobno prijavi najbližoj policijskoj postaji ili nadležnom organu. Policija je dužna da o tome odmah obavijesti nadležni organ.

Državljanin koji je prema ovom zakonu dužan posjedovati osobnu iskaznicu, a koji je izgubio osobnu iskaznicu tijekom boravka u inozemstvu, dužan je obavijestiti najbliži Ured diplomatsko-konzularnih predstavništava BiH u inozemstvu (u daljnjem tekstu: DKP) i podnijeti zahtjev za novu osobnu iskaznicu. DKP izvješćuje MCPK o gubitku, a sukladno s tim, MCPK o istom izvješćuje nadležni organ koji je osobi izdao osobnu iskaznicu. Nadležni organ toj osobi izdaje novu osobnu iskaznicu putem MCPK i DKP-a.

U okolnostima iz stavka 1. ovoga članka, nadležni organ izdaje rješenje o poništenju osobne iskaznice.

Članak 21.

U slučaju da državljani, u okolnostima navedenim u članku 20. stavak 1. ovoga zakona više ne posjeduju osobnu iskaznicu, dužan je da u roku od 30 dana od dana prijavljivanja slučaja policiji, podnese zahtjev za izdavanje nove osobne iskaznice. Uz zahtjev se prilaže izvještaj iz policije, dokaz o identitetu, dokaz o državljanstvu BiH, i ako se to traži, dvije fotografije koje vjerno prikazuju lice podnosioca zahtjeva.

Ako državljani kome je na temelju ovoga članka izdana nova osobna iskaznica, naknadno dođe u posjed ranije osobne iskaznice, dužan je da tu osobnu iskaznicu odmah preda najbližem nadležnom organu.

Nadležni organ izdaje osobnu iskaznicu podnosiocu zahtjeva najkasnije u roku od 15 dana od dana podnošenja zahtjeva za izdavanje osobne iskaznice, ako se ustanovi da podnositelj ima pravo na osobnu iskaznicu.

Nadležni organ odmah izdaje podnosiocu zahtjeva potvrdu o prijemu zahtjeva za izdavanje osobne iskaznice.

Potvrda o prijemu zahtjeva služi kao dokaz da je osoba podnijela zahtjev za izdavanje osobne iskaznice.

Poglavlje VII - EVIDENCIJA OSOBNIH ISKAZNICA

Članak 22.

Sukladno s Zakonom o centralnoj evidenciji i razmjeni podataka, MCPK vodi i održava centralnu evidenciju putem elektronske obrade podataka (u daljnjem tekstu: centralna evidencija) o izdanim, zamijenjenim i poništenim osobnim iskaznicama.

Entitetska ministarstva unutarnjih poslova mogu održavati elektronsku evidenciju o osobnim iskaznicama koje su izdate, zamijenjene i poništene na području entiteta.

Nadležni organ vodi i održava mjesnu evidenciju putem elektronske obrade podataka (u daljnjem tekstu: mjesna evidencija) o osobnim iskaznicama koje su u njegovoj jurisdikciji izdate, zamijenjene i poništene.

Članak 23.

Centralna, entitetske i mjesne evidencije sadrže sljedeće osobne podatke:

- podaci sadržani u članku 6. st. 1. do 3.;
- sve pojedinosti o nestanku osobne iskaznice kako je predviđeno u poglavlju VI. ovoga zakona;
- napomena o zabrani korištenja osobne iskaznice za prelazak državne granice kako je predviđeno u članku 18. ovoga zakona.

Članak 24.

Nadležni organ je dužan da redovito dostavlja MCPK podatke iz svoje mjesne evidencije.

MCPK može osigurati podatke iz centralne evidencije nadležnom organu kako bi isti izvršavao svoje dužnosti propisane Zakonom.

Članak 25.

Organi ovlaštene za vođenje i održavanje centralne, entitetskih i mjesnih evidencija u članku 22. mogu prikupljati, obrađivati, pohranjivati i koristiti osobne podatke iz evidencije jedino u cilju provođenja ovoga zakona, ako zakonom nije drukčije propisano.

Podaci iz članka 23. ovoga zakona brišu se pri izdavanju nove osobne iskaznice ili pet godina nakon isteka roka važenja osobne iskaznice.

Izuzetno od stavka 2. ovoga članka, napomena o zabrani korištenja osobne iskaznice za prelazak državne granice kako je predviđeno u članku 18. briše se nakon godinu dana od prestanka postojanja razloga za upisivanje te informacije.

Članak 26.

Državljanin BiH ima pravo da bude obaviješten o tome da li se njegovi osobni podaci nalaze u centralnoj, entitetskoj i mjesnoj evidenciji i ima pravo da mu se ti podaci priopće u jasnoj formi.

Ako se utvrdi da su takvi podaci obrađeni na nezakonit ili nepravilan način, državljani o čijim se podacima radi ima, pravo na odgovarajuću ispravku ili brisanje tih podataka. Takva ispravka ili brisanje podatka je za datog državljanina besplatna.

Državljanin o čijim se podacima radi ima pravo da pokrene upravni spor u slučaju da navedeni organi ne postupe sukladno s odredbama ovoga članka.

Članak 27.

MCPK i nadležni organi obvezni su poduzeti dovoljne sigurnosne mjere da bi se osigurala zaštita svih podataka iz centralne i mjesnih evidencija i svih podataka prenesenih na druge ovlaštene organe, sukladno s Zakonom o centralnoj evidenciji i razmjeni podataka.

Poglavlje VIII - POSEBNE ODREDBE

Članak 28.

Osobe na koje se odnose odredbe iz ove glave su raseljene osobe i povratnici.

Članak 29.

Raseljenoj osobi se izdaje osobna iskaznica prema boravištu.

Raseljena osoba podnosi zahtjev za izdavanje osobne iskaznice u roku od 60 dana od dana privremenog nastanjenja.

Osobna iskaznica izdana u boravištu raseljene osobe važi dvije godine.

Članak 30.

Prigodom svakog podnošenja zahtjeva za izdavanje osobne iskaznice po odredbama ovoga poglavlja, raseljena osoba podnosi zahtjev za izdavanje osobne iskaznice i uz njega prilaže, ako se to traži, dokaz o identitetu i dvije fotografije odgovarajuće veličine, koje vjerno prikazuju lice podnosioca zahtjeva.

Članak 31.

Povratnik u mjesto prebivališta prije sukoba ima pravo da zamijeni osobnu iskaznicu koja je ranije izdana, na temelju ovoga zakona, u mjestu boravišta povratnika, kako je utvrđeno u ovome poglavlju, osobnom iskaznicom koju izdaje nadležni organ u mjestu prebivališta prije sukoba.

Članak 32.

Povratnik koji ima pravo da zamijeni osobnu iskaznicu kako je utvrđeno u ovoj glavi, podnosi zahtjev za zamjenu osobne iskaznice u roku od 60 dana od dana povratka u svoje mjesto prebivališta prije sukoba.

Prigodom svakog podnošenja zahtjeva za zamjenu osobne iskaznice po odredbama ovoga poglavlja, povratnik podnosi zahtjev za zamjenu osobne iskaznice i uz njega prilaže, ako se to traži, dokaz o identitetu i dvije fotografije odgovarajuće veličine koje vjerno prikazuju lice podnosioca zahtjeva.

Ako ne posjeduje osobnu iskaznicu izdanu u prijašnjem mjestu prebivališta, povratnik podnosi zahtjev za izdavanje osobne iskaznice sukladno s poglavljem III. ovoga zakona.

Članak 33.

Ako nijedan dokumentovani ili drugi dokaz, odnosno podatak vezan za podnošenje zahtjeva za izdavanje ili zamjenu osobne iskaznice, prema ovoj glavi nije na raspolaganju, nije dostupan ili se ne može pribaviti u razumnom roku, nadležni organ će dozvoliti podnosiocu da traženi dokaz ili informaciju pruži na drugi način, uključujući i izjave podnosioca zahtjeva ili izjave koje daju druge osobe u korist podnosioca zahtjeva.

Članak 34.

Raseljena osoba koja dragovoljno odluči da se stalno nastani u mjestu u kojem nije imala prebivalište prije sukoba, ima pravo da zamijeni osobnu iskaznicu ranije izdanu prema ovom zakonu, kako je utvrđeno u ovoj glavi, osobnom iskaznicom koju izdaje nadležni organ u njegovom novom prebivalištu.

Poglavlje IX - KAZNE ODREDBE

Članak 35.

Postupak iz ove glave vodit će se sukladno s relevantnim zakonima o prekršajima.

Članak 36.

Novčanom kaznom u iznosu od 200 KM do 1000 KM kaznit će se odgovorna osoba u nadležnom organu za prekršaj ako:

1. odmah ili najkasnije u roku od 15 dana od dana podnošenja zahtjeva za izdavanje osobne iskaznice ne izda osobnu iskaznicu podnosiocu zahtjeva ako je utvrđeno da ima pravo na osobnu iskaznicu, uključujući raseljene osobe koje prijavljuju boravište i povratnike u mjesta njihovoga prebivališta prije sukoba;
2. ne izda podnosiocu zahtjeva potvrdu o prijemu zahtjeva u slučaju kada nije odmah izdao osobnu iskaznicu podnosiocu zahtjeva;
3. odmah, ili najkasnije u roku od 15 dana od dana podnošenja zahtjeva za zamjenu osobne iskaznice, ne zamijeni osobnu

iskaznicu, ako utvrdi da podnositelj zahtjeva ima pravo na zamjenu;

4. prikuplja, obrađuje, čuva, koristi ili prenosi podatke iz svoje evidencije protivno čl. 25. i 26. ovoga zakona;
5. odmah, ili najkasnije u roku od 15 dana od dana podnošenja zahtjeva ne osigura osobnu iskaznicu izdanu u mjestu boravišta raseljene osobe;
6. odmah, ili najkasnije u roku od 15 dana od dana podnošenja zahtjeva, ne izda osobnu iskaznicu povratniku u mjestu njegovog prebivališta prije konflikta;
7. ne dozvoli da se informacija u cilju zahtjeva za izdavanje osobne iskaznice pruži drugim sredstvima, uključujući i izjave koje daje podnositelj ili druge osobe u korist podnosioca, sukladno s odredbama poglavlja VIII. ovoga zakona.

Članak 37.

Novčanom kaznom od 10 KM do 100 KM kaznit će se za prekršaj državljanin ako:

1. ima više od jedne osobne iskaznice izdane na temelju ovoga zakona;
2. ne podnese zahtjev za izdavanje osobne iskaznice kada je obvezan da tako postupi prema poglavlju III.;
3. svjesno dostavi netočne i/ili neistinite podatke prigodom podnošenja zahtjeva za izdavanje osobne iskaznice;
4. odmah ne prijavi nestanak osobne iskaznice;
5. ustupi svoju osobnu iskaznicu drugoj osobi ili koristi tuđu osobnu iskaznicu kao svoju;
6. koristi osobnu iskaznicu druge osobe u cilju pribavljanja bilo kakve koristi ili prava.

Poglavlje X - PRIJELAZNE I ZAVRŠNE ODREDBE

Članak 38.

Kada se ispune svi potrebni uvjeti za otpočinjanje procesa za izdavanje osobne iskaznice, ministar Ministarstva civilnih poslova i komunikacija u tom cilju donosi odgovarajući akt.

Članak 39.

Ako je osobna iskaznica pribavljena pomoću prijave, lažnim informacijama ili prikrivanjem bilo koje bitne činjenice koja se odnosi na podnosioca zahtjeva, takva osobna iskaznica se oduzima i poništava.

Članak 40.

Nadzor nad provođenjem ovoga zakona vrši MCPK tako što :

- a) kontrolira zakonitost upravnih akata i radnji nadležnih organa;
- b) predlaže, odnosno pokreće postupak ocjene zakonitosti upravnih akata nadležnih organa sukladno s zakonom;
- c) nalaže nadležnom organu izvršenje ovim zakonom određenih obveza;
- d) donosi nuputke i instrukcije radi jedinstvenog postupanja nadležnih organa.

U roku od 90 dana od dana objavljivanja ovoga zakona u "Službenom glasniku BiH", MCPK donosi propise o:

- a) zajedničkom obrascu zahtjeva za izdavanje osobne iskaznice i za zamjenu osobne iskaznice;
- b) pojedinostima vezanim za obrazac osobne iskaznice i podacima sadržanim u osobnoj iskaznici;
- c) pravilnik o cijeni osobne iskaznice;
- d) pravilnik o nadzoru nad provođenjem ovoga zakona;
- e) podzakonski akt o napomeni koja se upisuje u osobnu iskaznicu kojom se navodi da je korištenje osobne iskaznice zabranjeno za prelazak državne granice;
- f) svim drugim pitanjima nužnim za provođenje ovoga zakona.

Članak 41.

Danom izdavanja rješenja MCPK-a iz članka 38. stavka 1., prestaju da važe zakoni i propisi, kojima su se do tada regulirala pitanja u svezi s osobnom iskaznicom državljanina i koji su se primjenjivali u BiH.

